



**CONVENIO DE COLABORACIÓN
ENTRE A DEPUTACIÓN DE PONTEVEDRA E O CONCELLO DE VIGO PARA
DOAZÓN DUNHA ESCULTURA DO “BALBINO”
DE XOSÉ NEIRA VILAS
(Aprobado pola Xunta de Goberno Local do Concello de Vigo
con data 26 de febreiro de 2016)**

Vigo, 29 de febreiro de 2016

REUNIDOS

Dunha parte D^a. **MARÍA DEL CARMEN SILVA REGO**, na súa calidade de Presidenta da Excma. Deputación Provincial de Pontevedra, actuando na súa representación de conformidade coas competencias establecidas no Artigo 34.1.b da Lei 7/85 de 2 de Abril Reguladora de Bases de Réxime Local,

Doutra parte D. **ABEL CABALLERO ÁLVAREZ**, na súa calidade de Alcalde-Presidente do Ilmo. Concello de Vigo, actuando no seu nome e coas atribucións que lle confire a normativa local vixente,

E actuando como secretario da Excma. Deputación Provincial de Pontevedra, D. **CARLOS CUADRADO ROMAY**, e como secretaria do Goberno Municipal D^a. **CONCEPCIÓN CAMPOS ACUÑA**, dando fe do acto.

Todas as partes intervinientes recoñécense plena capacidade para levar adiante o presente convenio, e

EXPOÑEN

1.- Que a Escola de Canteiros de Pontevedra, como servizo da Excma. Deputación Provincial de Pontevedra, presta colaboración a diferentes Concellos e Entidades da nosa provincia no embelecemento de espazos públicos, a través de pezas escultóricas .

2.- Que o Concello de Vigo quere fomentar o enriquecemento artístico nos espazos do seu término municipal, á vez que promover o acercamento do



público á lectura, polo que promoverá a instalación nas proximidades da Biblioteca Municipal “Xosé Neira Vilas”, dunha escultura representativa dunha personaxe da súa produción literaria, e en tal sentido

ACORDAN

PRIMEIRO.- O presente Convenio ten por obxecto a instalación no contorno da Biblioteca Pública Municipal “ Xosé Neira Vilas” de Vigo , sita na Avenida Martínez Garrido da cidade olívica, dunha escultura realizada en granito pola Escola de Canteiros de Pontevedra, representativa de “Balbino”, personaxe da novela “ Memoria dun neno labrego” do referido escritor galego.

SEGUNDO.- O Servizo da Escola de Canteiros promoverá a realización da mencionada escultura cun custe global de **catro mil catrocentos dezaseis euros con cincuenta céntimos (4.416,50 €)**, correspondendo **300,00 €** ao granito empregado para á confección da peza escultórica, **850,00 €** aos materiais técnicos especiais utilizados na súa elaboración que imputaranse á aplicación orzamentaria 14/324.323.221.15, e **2.500,00 €** ao traballo do alumnado da Escola de Canteiros con cargo á aplicación orzamentaria 14 / 324.323.481.02.

TERCEIRO.- Correrán a cargo do Concello de Vigo os custes dos portes da escultura ata o lugar sinalado para a súa situación, a necesaria obra de cimentación para a instalación da escultura e os custes da grúa precisa para executar a instalación.

CUARTO.- Así mesmo, o Concello de Vigo asumirá o mantemento e conservación da obra, ademais da iluminación da escultura.

QUINTO.- Na escultura deberá figurar que a súa instalación foi financiada pola Deputación Provincial de Pontevedra e que a súa realización correu a cargo da Escola de Canteiros.



SIXTO.- O Concello de Vigo deberá presentar, unha vez instalada a escultura, a correspondente xustificación da publicidade do referido patrocinio, mediante reportaxe fotográfico, recorte de prensa, etc.

SÉTIMO.- O presente convenio terá establecido a súa vixencia ata o 31 de decembro de 2016.

OITAVO.- Este convenio non comportará ningunha relación laboral, contractual ou de calquera outro tipo entre a Deputación de Pontevedra e o Concello de Vigo, de forma que non se poderá esixir ningunha responsabilidade directa, indirecta ou subsidiaria polos actos ou feitos acaecidos no seu desenvolvemento.

As partes acordan a submisión do presente convenio á orde xudicial contencioso-administrativa e expresamente ós xulgados do contencioso de Pontevedra.

E en proba de conformidade, asínase o presente convenio por triplicado, no lugar e data anteriormente citados

**A Ilma. Sra. Presidenta da
Deputación de Pontevedra**

M^a del Carmen Silva Rego

Dan fe,

**O Secretario da Deputación
de Pontevedra,**

Carlos Cuadrado Romay

**O Excmo. Sr. Alcalde do
Concello de Vigo**

Abel Caballero Álvarez

**A Secretaria do Goberno
Municipal,**

Concepción Campos Acuña